



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 23/7

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 08 » hnefseef 2022թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ա. Հովհաննիսյանի կողմից 11.05.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 4-րդ մասով նախատեսված վարչական իրավախախտում, մասնավորապես՝ «Օրինաց Երկիր» կուսակցության նախագահ Հովհաննես Սամվելի Հովհաննիսյանի նկատմամբ «Վարչական տույժ նշանակելու մասին» 07.04.2022 թվականի N Վ-14/51 որոշմամբ տուգանք նշանակվելուց հետո «Օրինաց Երկիր» կուսակցության նախագահ Հովհաննես Սամվելի Հովհաննիսյանի կողմից Երևան քաղաքի Աբովյան փողոցի հ. 43/1 հասցեում՝ շինարարական աշխատանքները փաստացի շարունակվել են, մասնավորապես՝ իրականացվել են պատուհանների բացվածքների կազմակերպման շինարարական աշխատանքներ՝ պատուհանների տեղադրմամբ, որի վերաբերյալ 25.05.2022 թվականին կազմվել է վարչական իրավախախտման վերաբերյալ թիվ 041694 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 08.06.2022 թվականին գործի քննությանը ներկայացավ «Օրինաց Երկիր» կուսակցության նախագահ Հովհաննես Սամվելի Հովհաննիսյանի ներկայացուցիչ Հայկ Բարսեղյանը (անձնագիր AS 0323087, տրված 07.08.2018 թվականին, 011-ի կողմից): Վերջինս բացատրություն տվեց այն մասին, որ իր վստահորդի նկատմամբ առաջին անգամ է 154-րդ հոդվածի 4-րդ մասի հիմքով արձանագրություն կազմվել:

«Օրինաց Երկիր» կուսակցության նախագահ Հովհաննես Սամվելի Հովհաննիսյանի ներկայացուցիչ Հայկ Բարսեղյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, վարչական իրավախախտման վերաբերյալ 07.04.2022 թվականի N Վ-14/51 գործը, ՀՀ ոստիկանության Երևան քաղաքի վարչության Կենտրոնական բաժնի

Կենտրոն վարչական շրջանի ղեկավարի աշխատակազմի աշխատակից Ռ. Մարուխանյանի կողմից 30.04.2022 թվականի «Արձանագրություն» վերտառությամբ գրությունը, լիազորագիրը, սեփականության իրավունքի պետական գրանցման վկայականի պատճենը, հետադարձ ծանուցագիրը, փոստային ծառայության անդորագրերը, Երևանի քաղաքապետարանի աշխատակազմի հասարակական կարգի պահպանության ծառայության պետի 11.05.2022 թվականի հ. 51/16973, 11.05.2022 թվականի հ. 51/16987 գրությունները, կուսակցության պետական գրանցման վերաբերյալ քաղվածքը և իրավախախտման լուսանկարները:

3. Գործի բնությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ «Օրինաց Երկիր» կուսակցության նախագահ Հովհաննես Սամվելի Հովհաննիսյանի նկատմամբ «Վարչական տույժ նշանակելու մասին» 07.04.2022 թվականի N Վ-14/51 որոշմամբ տուգանք նշանակվելուց հետո 11.05.2022 թվականին «Օրինաց Երկիր» կուսակցության նախագահ Հովհաննես Սամվելի Հովհաննիսյանի կողմից սեփականության իրավունքով կուսակցությանը պատկանող Երևան քաղաքի Աբովյան փողոցի հ. 43/1 հողամաս հասցեում շինարարական աշխատանքները փաստացի շարունակվել են, մասնավորապես՝ իրականացվել է պատուհանների բացվածքների կազմակերպման շինարարական աշխատանքներ՝ պատուհանների տեղադրմամբ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված՝ շինարարության թույլտվություն չպահանջող աշխատանքներում:

«Օրինաց Երկիր» կուսակցության նախագահ Հովհաննես Սամվելի Հովհաննիսյանի կողմից թույլ է տրվել Օրենսգրքի 154-րդ հոդվածի 4-րդ մասով նախատեսված վարչական իրավախախտում:

Հաշվի առնելով «Օրինաց Երկիր» կուսակցության նախագահ Հովհաննես Սամվելի Հովհաննիսյանի ներկայացուցիչ Հայկ Բարսեղյանի կողմից տրված բացատրությունները և այն, որ «Օրինաց Երկիր» կուսակցության նախագահ Հովհաննես Սամվելի Հովհաննիսյանի կողմից առաջին անգամ է թույլ տրվել Օրենսգրքի 154-րդ հոդվածի 4-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

շարունակելը՝ առաջացնում է տուգանքի նշանակում՝ սահմանված նվազագույն աշխատավարձի երկուհազարապատիկից երկուհազարհինգհարյուրապատիկի չափով:

«Քաղաքաշինության մասին» օրենքի 6-րդ հոդվածի 4-րդ մասի ա) կետի համաձայն՝ կառուցապատողները պարտավոր են կառուցապատումն իրականացնել օրենքով սահմանված կարգով՝ հաստատված ճարտարապետաշինարարական նախագծին համապատասխան, շինարարության թույլտվության հիման վրա:

Նույն օրենքի 23-րդ հոդվածի 1-ին մասի համաձայն՝ շինարարության թույլտվությունը փաստաթուղթ է, որը հաստատում է կառուցապատողի իրավունքը՝ իրականացնել որոշակի շինարարական գործունեություն ինչպես նոր կառուցապատվող կամ վերակառուցվող տարածքում, այնպես էլ գոյություն ունեցող շենքերում և շինություններում:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 154-րդ հոդվածի 1-ին, 4-րդ մասերով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. «Օրինաց Երկիր» կուսակցության նախագահ Հովհաննես Սամվելի Հովհաննիսյանին՝ Օրենսգրքի 154-րդ հոդվածի 4-րդ մասով ենթարկել վարչական պատասխանատվության՝ նշանակելով վարչական տույժ 2.000.000 (երկու միլիոն) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ